

1050. An die 18 Decembris in festo Expectationis partus B. M. V. sit finis hymnorum. *Jesu, tibi sit gloria*, etc., sicut in aliis festis B. M. V. an non? Et responsum fuit: Servetur rubrica. Ita S. R. C. 16 Febr. 1757, in *Mechlinien.*, et antea 25 Junii 1756, in *Brugen.*: Servetur rubrica; scilicet claudantur hymni per *Virtus, Honor*, etc. Vide num. 962.

1051. Dum semiduplex incidit in festum habens Octavam, vel in Dominicam infra Octavam (non privilegiam) et dies immediate sequens non est impedita, sed restat celebrandum duplex: v. g. anno 1756, festum Ascensionis Domini incidit in die 10 Maii, seu in festo S. Antonini, et remanet celebrandum festum S. Petri martyris, quod est duplex; quaeritur, an die 11 Maii, nempe immediate sequenti, celebrari debeat festum semiduplex S. Antonini juxta rubricam de Translatione festorum num. 5, transferendo ulterius festum S. Petri M. Rursum quaesitum fuit, an die festo translato faciendum sit Officium die immediate sequenti non impedito, etiamsi adsit aliud ejusdem dignitatis festum prius translatum? Ad utrumque responsum fuit dari decretum emanatum sub diebus 30 Sept. 1679 et 16 Sept. 1702, S. R. C. 16 Febr. 1737, in *Mechlinien.*: Ad utrumque responsum fuit affirmative; ex rubrica Breviarii x de Translatione festorum, num. 5, et ex decretis sub num. 508, pro prima hujus sanctionis postulatione; pro secunda vero intelligi debet absolute, ut in num. 509 et 666.

1052. Serventur rubricae Missalis, Breviarii, et Cereemonialis episcoporum ad verba Invitatorii: *Venite, adoremus, et proclamamus ante Deum*, etc., ad verba Symboli: *Et Incarnatus est*, etc., et ad alia similia genuflexionem requirentia, etiam a cantoribus ad ambonem, aut chororum regentibus, dum ea proferuntur actualiter; sic tamen, ut quando mora genuflexionis est brevis, haec fiat, quando autem mora est longa, ne plurium vocum unisona modulatio inflectatur, genuflexendum erit sub finem verborum, S. R. C. 8 Martii 1758, in *Ulixbonen. Occid. Regii Nosocomii*: Serventur rubricae Missalis, Breviarii, et Cereemonialis episcoporum: in quibus episcopus etiam celebrans, ac omnes de choro, tam ipsi cantores, quam alii ministri, ut genuflectant, praescribitur, *Carem. episcop. l. II, cap. 5, num. 2, et cap. 6, num. 8, Rub. Miss. et Brev. prop.*

1053. An feria secunda post festum SS. Trinitatis, in qua tanquam in sede perpetua, et propria quotannis celebratur solemnitas SS. Mysterii uti Titularis, debeat cantari Missa solennis de SS. Trinitate cum *Gloria* et *Credo* ratione rei gravis ob concursum fidelium, licet ipsamet feria secunda impedita sit festo duplici, dempto classico? Responsum fuit: Pro gratia, S. R. C. 8 Martii 1758, in *una Ulixbonen. Occident. pro confraternitate clericorum Sacularium in ecclesia Regii Nosocomii.*

1054. An Officia pro annuibus confratrum extra diem obitus, seu depositionis, tertium, septimum, et trigesimum, cum castro doloris, et concursu sacerdotum officia, habere debeant ritum duplicem, vel semiduplicem cum psalmo ac tribus orationibus? Responsum fuit: Serventur rubricae Ritualis Romani una cum novissimo decreto edito anno 1757, in *Nolana*, nempe duplicatio antiphonarum, praeter diem Commemorationis Omnium fidelium Defunctorum, et diem Depositionis defuncti, fiat in diebus tertio, septimo, trigesimo, et anniversario tantum, S. R. C. 8 Martii 1758, in *Ulixbonen. Occident.*: Fiat in diebus tertio, septimo, etc., recitatis psalmis *Lauda*, et *De profundis*, in die Commemorationis Omnium Defunctorum, Obitus, seu Depositionis defuncti omittendis tantum. Vide num. 1021 et 1067.

1055. Feria secunda post Dominicam infra Octavam Omnium Sanctorum, festo duplici minori occupata, in qua pro annuibus confratrum cantatur Officium defunctorum cum solemnitate, debet pro

gratia cantari Missa de *Requiem*; quod si anniversarium praedictum contingat in festo altioris ritus, debet illud praecedenti die celebrari, S. R. C. 8 Martii 1758, in *Ulixbonen. Occident. pro Ecclesia Regii Nosocomii.* Vide num. ant. et 19.

1056. An in diebus infra Octavam Corporis Christi duplicia non excludentibus, cantari possit Missa de *Requiem* de die Obitus, tertio, septimo, et trigesimo, ac anniversario in dicto octavario incidentibus. Responsum fuit negative, et serventur decreta vulgata in *Nuscana* 12 Septemb. 1671, et in *Collensi* 5 Junii 1698, S. R. C. 8 Martii 1758, in *Ulixbonen. Occident.*: Serventur decreta; ut Missa tantum solennis de die Obitus, et praesente corpore cantari possit. Vide num. 19, 486 et 1103.

1057. *Rappresenta umilmente all' EE. VV. il capitolo, e canonici della cattedrale di Lisbona Orientale, qualmente per uso antichissimo, e senza memoria d'uomini, quando il parroco di detta cattedrale porta il Santissimo Sacramento per viatico agli infermi, e dà la benedizione al popolo con il Santissimo chiuso nella pisside, l'incensa uno, o due canonici, o sacerdoti, che sono obligati, ed ordinariamente sono due canonici, che accompagnano il Santissimo per li statuti di detta cattedrale approvati dalla S. Sede Apostolica, et costituzioni deli' arcivescovato, in modo tale, che tanto li sacerdoti, come in canonici, che il presidente del coro manda ad accompagnare il Santissimo Viatico, sono cantati nel coro, quando in esso si cantino il Matutino, ed altre ore dell' Offizio divino. Ma perchè, eminentissimi signori, è stata riprovata dal maestro di cerimonie di detta cattedrale quella d'incensare il Santissimo richiuso nella pisside, quando il parroco dà la benedizione al popolo, e non ostante detta riprovazione, ha ordinato il capitolo oratore, s'osservasse la detta cerimonia d'incensare il Santissimo nel suddetto atto per rendergli maggior culto; per tanto supplicano l' EE. VV. a degnarsi graziarli con dichiarare, se devono, o no osservare detta cerimonia, che lasciando di farla, seguirà scandalo al popolo.* S. R. C. declaravit, servari debere dictam caeremoniam thurificandi SS. Sacramentum inclusum in pyxide, cum defertur pro viatico infirmis. Eadem S. R. C. 11 Junii 1758, in *Ulixbonen. Oriental.*

1058. *Se alla benedizione, che dall' edomadiario si dà nella seconda lezione del terzo notturno de' santi al cuius festum, vel quorum festum colimus, debasi o no inginocchiare, stante nell' altre sette benedizioni, in alcune delle quali si nomina il divin Padre, il Figliuolo, e lo Spirito santo, non si costuma tal genuflessione; Respondit negative S. R. C. 6 Sept. 1758, in una Ord. Min. de Observ. Ref. S. Fran.: Inginocchiare. Debet tamen se inclinare profunde ad *Jube, domne*, etc., versus celebrantem benedictionem petens, et sic inclinatus permanere, usque dum celebrans stans detecto capite, benedicit. Et dum dicit *Tu autem, Domine*, etc., genuflectat, si non est canonicus, cruce, vel Sacramento, si adsit, etiam si sit canonicus, comitante caeremoniario, vel acolytho, qui si nocte lectiones legantur, adhibeat parvam candelam. *Carem. episc. l. II, cap. 6, num. 12 segq.**

1059. Frater Michael Angelus a Gallipoli procur. gener. ord. Min. Obser. Ref. S. Francisci suppliciter exponit, quatenus recenter a S. R. C. concessa sunt quadam Officia sanctorum, alia Urbis et Orbis, alia aliquibus regnis, ditionibus, statibusque peculiaribus recitanda, tum a Secularibus, tum a Regularibus, qui ad Horas canonicas tenentur, quae concessionem exprimentur his verbis: *Recitari posse, fieri posse*; et cum ex rubricis nostri novi Breviarii approbatis a S. M. Innoc. PP. XII, per bullam, quae inc. *Exponi nobis*, etc., statuatur, ut quotiescunque sit haec expressio, *Recitari posse, fieri posse*, nihil aliud intelligatur, nisi Officium ad

libitum; hinc humiliter petit ab EE. VV. ut dignetur declarare, an praedicta Officia cum tali expressione expressa, si incurantur in die impedita ab aliis Officiis de praepo Breviarii praedicti, non obstantibus decretis S. R. C. de non transferendis Officiis sanctorum ad libitum, a nobis possint transferri ad aliam diem, vel debeant omitti? Sacra autem congregatio declaravit, praedicta Officia acceptata, si occurrant diebus impeditis, non reputari debere tanquam mera Officia ad libitum, sed de praepo, adeoque omnino transferenda, eadem S. R. C. 6 Septemb. 1758, in una Ord. Min. Obser. Reform. Vide num. 952.

1060. Festum S. Joachin patris B. M. V. quod celebrabatur 20 Martii, nunc ad ritum duplicem majorem, et ad Dominicam infra Octavam Assumptionis translatum, et perpetuo affixum est per recens decretum anno 1758, die 5 Octobris emanatum, ne festa de praepo multiplicentur. Quod si alio Officio juxta rubricas impeditum fuerit, ad primam diem non impeditam transferendum erit. In quo decreto ad eundem ritum duplicis majoris elevatum est Officium ejusdem conjugis S. Annae pro die 26 Julii, eadem S. R. C. 20 Sept. 1758, in decreto Urbis et Orbis, approbante Clemente XII die 5 Octobr. ejusdem anni.

1061. Si transferatur ad tempus Paschale festum SS. marjrum, in quorum Missa latroitus sit *Gaudemus omnes in Domino*, etc., si ultra Introitum *Gaudemus*, etc., habeat etiam proprium vel evangelium, vel epistolam; tunc debet recitari idem Introitus; secus si nihil aliud proprii haberet, quia in eo casu Introitus alter incipiens *Proteixisti me, Deus*, dicitur, S. R. C. 29 Nov. 1758, in una *Carthagin. in Hispan.* Vide num. seq.

1062. Si festum alicujus sancti martyris habens in Missa proprium evangelium transferatur ad tempus Paschale, dici debet idem proprium evangelium, non vero unum ex assignatis pro tempore Paschali, sac. Rit. cong. 29 nov. 1758, in una *Carthagin. in Hispania.* Vide num. ant. et 975.

1063. An in Officio Transverberationis S. Theresiae debeat ad Matutinum recitari hymnus *Haec dies, qua candida*, vel potius de communi *Virginum*? Et responsum fuit, debere recitari hymnos proprios, qui recitantur in festo S. Theresiae, sed loco: *Haec dies qua candida*, dicatur in festo Transverberationis: *Felix dies, qua candida*, S. R. C. 29 Nov. 1758, in una *Carthaginen. Hispan.*

1064. Dum incensatur altare, in quo est expositum publicae adorationi venerabile Sacramentum, non debet post illud incensatum crux quoque incensari, S. R. C. 29 Nov. 1758, in una *Carthaginen. Hispan.* Crux quoque incensari: feria 6, in Parasceve ad Missam Praesantificationum, licet adsit Sanctissimum Sacramentum, crux debet incensari, ex *Rub. Miss. propria, et Carem. episcop. lib. II, cap. 25, num. 55 et cap. 26, num. 19.* An imago crucifixi Jesu coram Sacramento exposita super altare reponi debeat, consule num. 1105.

1065. In commemorationibus communibus, sive suffragiis sanctorum per annum, dum sit de aliquo sancto principali, cujus antiphona habent in fine *Alleluia*, si contingant verba, quibus exprimentur gaudium, victoria, et similia, debet haec *Alleluia* recitari, alioquin omittatur, S. R. C. 29 Nov. 1758, in una *Carthagin. Hispan.*: Per annum: secus autem tempore paschali quoad omnes Antiphonas; quibus non legitur *Alleluia*, addendum est, *Rub. Brev. 21 de Antiphonis, num. 6.* Omittatur autem a Dominica Septuagesimae usque ad Pascha.

1066. Promotor fiscalis curiae episcopalis Montis Politiani exponit, in illa cathedrali vigere consuetudinem; quandoque cantentur Vesperae feriales diebus Quadragesimae, Adventus, et jejuniorum, canendi etiam preces, quae flexis genibus persolvuntur alta voce cum desinentia ad unamqueque

versiculum, prout in festo simplici in commemorationibus, et ad antiph. B. M. V., scilicet a *fa ad re*, excepta oratione Dominica, quae non canitur, sed alta voce recitatur usque ad vers. *Et ne nos inducas*, etc., quae pariter canitur cum supradicta desinentia: ita psalmus *Miserere* non cantatur, sed recitatur alta voce, et in eodem tono, sicut caeteri versiculi. Humillime quaerit, an ista consuetudo servanda sit; et quatenus, quo modo, et forma dicende sint? Et responsum fuit, non esse attendendam consuetudinem assertam concinendi preces feriales ad Vesperas, et ad Laudes in diebus jejuniorum per depressionem vocis a *fa ad re*, sed utendum tono, ac voce uniformi per simplicem *fa*, S. R. C. 9 Maii 1759, in eadem *Montis Politiani.* Vide num. 1021 et 1054.

1067. Quod statutum fuit per plura decreta S. R. C., dicendum esse psalmos *Lauda, anima mea*, etc., ad Vesperas, et *De profundis* ad Laudes pro defunctis, exceptis diebus Commemorationis Omnium fidelium defunctorum, et Depositionis defuncti, servandum erit etiam in illis Ecclesiis, ubi ex vi regulae, seu ob adimplendas pias defunctorum voluntates totum Officium Defunctorum ritu duplici recitare tenentur, ut sit diebus supra expressis, et in casu affirmativo, S. R. C. 9 Maii 1759, in una ord. *Camald. Congr. Montis Cor.* Vide num. seq. ac 1021 et 1054.

1068. Quaeritur, an in dictis casibus omittendum sit Invitatorium, cum rubrica Breviarii innuat, quod dicatur in die Commemorationis Omnium fidelium Defunctorum? Et responsum fuit, negative: nempe quod in Officio Defunctorum, quando recitatur integrum, nunquam omittendum sit Invitatorium, S. R. C. 9 Maii 1759, in una Ord. *Erem. Camald. Congr. Montis Cor.* Vide num. ant. Quando recitatur integrum: vel legatur primum nocturnum, sicuti debet in Depositione cadaveris, saltem cum Laudibus recitatur, *Rit. Rom. de Exsequiis tit. 6, c. 5, n. 16.*

1069. Ex parte moderni episcopi Polensis S. R. C. pro declaratione infrascripti dubii supplicatum fuit: nempe, dignitates, canonici, et capitulum cathedralis Polensis, obtento consuetudinis, terminatis omnibus Horis canonicis, etiam diebus festivis, in quibus nec horam Tertiam unquam cantant, nisi pontificalia exercente episcopo, recitatis anticipare hoc casu Sexta, et Nona, Missam conventualem decantant. Itemque Missas pro Defunctis a testatoribus legatas ante Matutinum, quoties contingunt, cum cantu celebrant. Cumque haec consuetudines resistant rubricis Missalis tit. de hora celebrandi Missam, necnon cuidam decreto sacrae Rituum congreg. in una Catan. die 18 Junii 1689, quaeritur, an attenda consuetudine tolerari queant hujusmodi respective anticipationes, et postpositiones Horarum, et solemnium Missarum cantuum supra memorata. Et responsum fuit: Serventur omnino rubricae Missalis Romani sub tit. xv, sac. Rit. cong. 9 Maii 1759, in *Polan.*: Serventur omnino rubricae Missalis: nempe, *Missa conventuale in festis duplicibus, semiduplicibus, in Dominicis, et infra Octavam dici debeat post horam Tertiam in choro recitatum; in festis simplicibus, et feriis per annum dicta Sexta; in Adventu, Quadragesima, Quatuor Temporibus, etiam infra Octavam Pentecostes, et Vigiliis, quae jejunantur, quamvis sint dies solennes, Missa de Tempore debet cantari post Nonam, Missa autem Defunctorum post primam: ubi vero dicuntur eorum Vigiliae mane post Matutinum dici, dicitur hujusmodi Vigiliis cum Laudibus immediate dici potest Missa pro Defunctis. In die vero Commemorationis dicitur post Nonam, quod quidem servari potest in die Anniversarii, Depositionis, tertii, septimi, et trigesimi, in quo sit concursus populi. Rub. Miss. citat. Vide n. 75.*

1070. Nequit episcopus abbatibus, aliisque prelati inferioribus exercitium pontificalium restrictive habentibus, in suis tantum ecclesiis, facultatem, seu licentiam impertiri exercendi illa in eccle-

siis ipsis non subjectis, sive seculares fuerint, sive regulares suae diocesis, S. R. C. 11 Julii 1759, in *Barchinonen*. Vide num. 564.

1071. Officium Translationis S. Januarii, quod in civitate et diocesi Neapolitana antiqua consuetudine S. R. C. quoque roborata 1664 16 Septembris, celebratur Dominica prima Maii sub ritu duplici majori cum Octava, vel secunda, si prima fuerit Dominica in Albis, occurrente cum festo altioris ritus, vel majoris dignitatis, transferendum est a prima Dominica Maii ipsi tanquam propria die assignata in primam diem non impeditam; quoad Octavam vero serventur rubricae, S. R. C. 11 Julii 1759, in *una Neritonen*. Quoad Octavam serventur rubricae: quae praescribunt fieri de illis diebus infra Octavam solummodo, quae remanent a die propria festi translata, non vero a die Translationis. *Rub. Brev. x de Translatione Festorum num. 1.* An id faciendum, quando Officia sunt perpetuo translata, et ab assignato cuilibet illorum die perpetuo amota, quare n. 1092 et 1125.

1072. Canonici collegiatae, seclusa consuetudine in contrarium, uti personae gradatae, et quasi in dignitate constitutae non genuflectunt, sed caput, et humeros profunde inclinant episcopo et altari, ad instar canonicorum cathedralis, S. R. C. 11 Julii 1759, in *Neritonen*. Vide n. 157, 260 et 1079.

1075. In Sabbatis Quatuor Temporum, vel aliis ad ordines conferendis a jure praestitutis, episcopus ordinationem faciens, Missam de feria, non autem de sancto, qui forte diebus illis occurrit duplex, vel semiduplex, verb. g. S. Matthiae tempore verno, S. Thomae tempore hiemali, etc., celebrare debet, S. R. C. 11 Julii 1759, in *Neritonen*. A jure praestitutis: quae sunt *Sabbata in omnibus Quatuor Temporibus, Sabbatum ante Dominicam de Passione, et Sabbatum Sanctum. Pont. Rom. part. 1, de Ordinibus conferendis*. Vide n. 1166.

1074. Non tenetur capitulum cathedralis pro inchoandis divinis Officiis, quibus intervenire assolet magistratus civitatis, multoties ad deferendas consuetas oblationes, exspectare ultra horam conductam, S. R. C. 11 Julii 1759, in *Senogallien*.

1075. Capitulum et canonici celebrantes tam in cathedrali, quam extra, postquam ingressi sunt presbyterium pro Missis, vel Vesperis celebrandis induti pluvialibus, sicut quoties procedunt ad sedem, et redeunt ad altare, sese inclinant cruci, episcopo, et canonicis existentibus in presbyterio, ita quoque non debent sese vertere a presbyterio ad extra, et salutare magistratum, *sac. Rit. congreg. 11 Julii 1759, in Senogallien; inhærendo aliis resolutionibus in similibus pluries editis*.

1076. *Se la notizia di un nuovo Offizio di un santo giungesse dopo la giornata propria assegnata, debba o no farsi in quell'anno?* Responsum fuit, affirmative quatenus evenire possit Officii recitatio tempore congruo, nempe quod a die pro Officii recitatione a sacr. Rit. congregatione praescripto nondum labuerint dies feriati, seu vacantes, vel festo inferioris ritus impediti, in quibus juxta rubricarum regulas hujusmodi Officium recitari poterit, et minime fuerit recitatum; quod si secus, pro praesenti anno omittatur, *sac. Rit. congreg. 11 Julii 1759, in Tropien*.

1077. Transferendum est Officium cadens in die assignata, et recitandum est de assignato, ut accidit in Tropiensi die S. Joannis a Cruce assignata sancto Felici de Valois, cum hujusmodi festum non debeat considerari ut translatum, sed immutatum in aliam diem similiter sibi propriam perpetuo a S. R. C. assignatam, et sit ritus majoris S. Joannis a Cruce, cui ex vi rubricarum de occurrentia competit translatio, S. R. C. 11 Julii 1759, in *Tropien. et 1 Oct. 1740, in Nolana*. A sacr. Rit. C. assignatam: vel etiam inconsulta sacra ipsa Cong. Vide num. 1084 et 1091.

1078. Non licet juxta mentem et normam praescriptam in Rituali Romano sacerdotibus priorae S. Petri in Silice civitatis Volaterranae deferre cadavera Monialium ex monasterio ad ecclesiam supradictae priorae, S. R. C. 11 Julii 1759, in *eadem Volaterran*. Juxta mentem et normam praescriptam in Rituali Romano: quae est, ut deferantur defunctorum cadavera a domo ad propriam ecclesiam, *idem tit. vi, cap. 5, de Exsequiis*.

1079. Servandum est Cereimoniale Romanum quoad canonicos cathedralis, etiam si mitram deferant ex indulto apostolico, pro diacono et subdiacono, assistentes a latere archiepiscopi, nempe debent genuflectere, dum archiepiscopus actu Sacramento benedicit, ut declaravit pro cathedrali Messanensi: nec valet contraria consuetudo, licet immemorabilis, ut stent, ex praxi etiam nonnullarum cathedralium corroborata, S. R. C. 28 Nov. 1759, in *dicta Messanen*. Ad benedictionem episcopi sine Sacramento non tenentur canonici genuflectere; *Cerem. episcop. lib. II, cap. 5, n. 6. Vide n. 28 et 157. Circa Collegiarum canonicos, vide n. 1072.*

1080. An beata Rita de Cascia possit eligi in Titularem ecclesiae publice erectae in hospitali Meliaporensi Patrum Eremitarum S. Augustini; quia cum de Titulari cujusvis ecclesiae debeant fieri suffragia in Laudibus et Vesperis, quod est prohibitum, quoad beatos nondum canonizatos: item de Titulari sit Officium cum Octava, de beatis vero non sit cum Octava absque speciali privilegio? Responsum fuit, non licere, nisi pontificio indulto munitis assumere in Titularem propriae ecclesiae beatum, S. R. C. 23 Jan. 1740, in *Meliapuren*. Et prohibitum quoad beatos: quae privilegia vero concedantur beatis, vide n. 590 seqq., et quid statuatur de diadema o capiti beatorum imponendo, quare num. 1192.

1081. Titulus ecclesiae assumptus de beato sopprimi debet, et alius pro eo de sancto jam canonizato substitui, S. R. C. 23 Jan. 1740, in *Meliapuren. pro B. Rita de Cascia. Vide n. ant., n. 400, necnon a n. 379 usque ad 592 et 1512.*

1082. Officium Patrocinii B. M. V. in Dominica Novembris ab Ordinario loci assignandum, si per totum mensem a duplicibus primae classis cum Octavis Dominicae sint impedita, praedictum Officium in hoc casu non est recitandum in die alienius Octavae, sed transferendum pro gratia servatis Rubricis Breviarii Romani de Translatione festorum, S. R. C. 1 Octob. 1740, in *Nolan*. Servatis rubricis Breviarii: id est transferendum est in primam diem non impeditam, dummodo semper praefertur se ta dignioris ritus, seu majoris, seu solemnioris, *Rub. Brev. X, de Transl. Vide n. 553.*

1085. Cum in die 22 Novembris occurrat Octava S. Felicis, episcopi et martyris, in ecclesia cathedrali Nolana, ideo transferendum festum S. Caeciliae sub ritu duplici, quia festa, quae amittunt diem propriam, et sunt perpetuo translata, faciendae sunt in prima die non impedita a festo novem lectionum tanquam die propria juxta decreta sacrae congregationis sub die 7 Septemb. 1707, et per hoc assignata fuit dies 24. At quia eadem dies videtur novissime ab eadem sacra congregatione assignata festo S. Joannis a Cruce, quaeritur, quale Officium transferendum, sanctae Caeciliae potius, an S. Joannis. Et responsum fuit, firmo Officio S. Caeciliae in die 24 Novembris, erit assignanda Officio S. Joannis a Cruce dies alia, tanquam dies fixa, et perpetua, ab Officio novem lectionum non impedita, S. R. C. 1 Octob. 1740, in *Nolan*. A festo novem lectionum: excipe dies infra Octavam. Vide n. 1184.

1084. Stantibus sequentibus decretis pro Officio Corporis Christi, nempe omnibus feriis quintis per annum, praeterquam in Adventu, Quadragesima et Vigiliarum, ut in Nolana novem lectionum etiam translato, non impeditis, sit sub ritu semiduplici Officium juxta decretum S. R. C. 20 Martii 1706. Item

si occurrat semiduplex ad libitum, poterit de illo fieri, si saltem in mense recitandum sit de hac commemoratione, alias Officium fiat de commemoratione, relicto prorsus Officio ad libitum, *eadem S. R. C. 24 Januarii 1682. Quaeritur igitur, si in aliquo mense omnes feriae quintae impeditae fuerint a sanctis novem lectionum, dummodo non essent ad libitum, commemoratio Corporis Christi in hoc casu relinquenda erit secundum supradictum decretum: sed si occurreret etiam Officium translatum, sive duplex, sive semiduplex, eritne faciendum de dicta commemoratione, vel potius hac ommissa, recitandum Officium de Sancto translato? Responsum fuit: Occurrente quocunque Officio novem lectionum etiam translato, ommissa recitatione Officii Sanctissimi Sacramenti, faciendum est Officium ea die occurrentis, etiamsi dies sit infra Octavam, S. R. C. 1 Octob. 1740, in *Nolana*.*

1085. In Officio votivo Sanctissimi Sacramenti, quod recitatur ex indulto apostolico, in responsoriis ad Matutinum, responsoriis brevibus Horarum, versiculis ad *Magnificat* et *Laudes* non debent recitari *Alleluia*, prout dicitur in Officio festivo diei solemnitatis Corporis Christi, S. R. C. 10 Dec. 1740, in *Salsburgensi ex parte Consistorii*. Non debent recitari *alleluia*: nisi esset tempus Paschale, in quo nocturni Matutini sub una antiphona dicuntur, et plura *Alleluia* juxta rubricas Breviarii Romani XXI, n. 6, XXIV, n. 4, XXVII, n. 8, et XXVIII, n. 5. Vide n. 448. Missa vero dicitur cum *Gloria in Excelsis* sine *Credo*. Vide n. 1275.

1086. Quando Dominica tertia post Pascha, cui est affixum festum Patrocinii S. Joseph secundae classis, occurrat festum altioris ritus, vel majoris dignitatis, ut festum Inventionis SS. Crucis, transferendum est Officium de S. Joseph in primam diem non impeditam, quae tamen non sit Dominica, S. R. C. 22 Apr. 1741, in *Vilnen*. Vide num. 828. Transferendum est Officium: ut statui, vel regioni de praepcepto concessum, secus autem si in civitate celebraretur ex gratia. Vide n. seq. et 989 et 1258.

1087. Quando Dominica tertia post Pascha occurrat festum S. Marci evangelistae, vel SS. apostolorum Philippi et Jacobi, debetne S. Joseph censeri dignior praedictis, ex quo positus est in Litanis ante omnes apostolos post S. Joannem Baptistam, et decretum exstat S. R. C. 22 Augusti 1741 editum, quod dignitas personae etiam attendi debeat juxta ordinem Litaniarum, ita ut praedictum Patrocinium non cedat praefatis festis; vel debet cedere et omitti hoc anno, vel transferri saltem, ut supra dictum est? Responsum fuit negative quoad primam partem propositae difficultatis; pro gratia, quoad secundam partem, videlicet, quod Officium Patrocinii S. Joseph transferri possit in diem non impeditam, sed extra Dominicam, S. R. C. 22 Apr. in *Vilnen*. Vide tamen modernas declarationes sub n. ant. et 1150 seqq. quoad primam partem, quoad vero secundam vide n. 989 et 1258.

1088. Cum Dominica infra Octavam Assumptionis Beatae Mariae Virginis celebratur in regno Poloniae festum S. Hyacinthi patroni principalis primae classis cum Octava, et eadem Dominica recenter sit assignata perpetuo a sacra Rituum congregatione festo S. Joachimi, an possit licite celebrari 20 Martii, ut olim, cum hac Dominica nunquam de eo Officium fieri possit, vel transferri in aliam diem non impeditam, vel in Dominicam ante Nativitatem beatae Mariae Virginis nunquam impedibilem, cum Dominica post Octavam Assumptionis sit jam pridem assignata Translationi S. Casimiri: et si fieret de S. Joachimo 20 Martii, utrum sit celebre ad populum, secundum decretum nuper emanatum 20 Septembris 1758? Responsum fuit, faciendum esse Officium in regno Poloniae Dominica infra Octavam Assumptionis de S. Hyacintho, quod est primae

classis, assignata firma die Officio S. Joachimi, cuius festum non sit de praepcepto, quia translato Officio non transfertur festum, neque ejus festum potest celebrari ante Dominicam infra Octavam Assumptionis, S. R. C. 22 Aprilis 1741, in *Vilnen*. Vide num. seq.

1089. Cum in regno Poloniae Dominica post Octavam Assumptionis B. M. V. sit assignata pridem a S. R. C. Translationi S. Casimiri conf. et eadem Dominica perpetuo occurrat Octava S. Hyacinthi conf., assignata firma die festo Translationis S. Casimiri, faciendum est Officium de die Octava S. Hyacinthi in Dominica post Octavam Assumptionis, S. R. C. 22 Aprilis 1741, in *Vilnen*. Vide n. ant.

1090. Cum de concessione Officii sanctorum Ursulae, et soc. virg. non constet a Sede Apostolica, et tamen omnes dioceses de illa habeant Officium duplex 21 Octobris, excepta diocesi Cracoviensi; an licite possint omnes de illa tale officium habere, vel omnes dioceses debeant cessare a tali recitatione? Et responsum fuit, satis vulgatum esse, pluribusque decretis firmatum, Officia particularibus locis concessa, quantumvis sanctorum in Martyrologio Romano expressorum, Sede Apostolica inconsulta, non posse ab aliis recitari. Hinc cum sermo sit de Officio S. Ursulae, a S. R. C. approbato, ac non semel concessio, ejus extensio expetenda est, ut Officium licite, ac valide recitetur in illis locis, in quibus praefata S. Ursulae festum cum Officio celebratur absque S. C. indulto, S. R. C. 22 Apr. 1741, in *Vilnen*. Sede apostolica inconsulta: etiamsi locorum Ordinarii permittant. Vide num. 217 seq.

1091. Serventur decreta sacrae Rituum congregationis, quae sane assignatio alterius diei Officio in perpetuum impedito fieri potest sacra congregatione inconsulta, abrogando alia contra hoc emanata, S. R. C. 22 Aprilis 1741, in *Vilnen*. Assignatio alterius diei: quae sane debet fieri secundum ritum Officii, et dignitatem personae. Vide num. 1162. Decreta in hac sanctione firmata sunt sub num. 879 et 895.

1092. Cum in ordine Carmelitarum Excalc. festum Corporis Christi celebretur cum Octava ad instar Octavae Epiphaniae, in qua non admittuntur nisi duplicia occurrentia primae classis, quaesitum fuit, an Octavae inchoatae ante festum Corporis Christi adveniente eodem festo debeant cessare, sicut aliae Octavae cessant a 17 Decemb. usque ad Epiphaniam. Et responsum fuit: Si Octava inchoata sit ante festum Corporis Christi, eo adveniente, Octava est deserenda. Quod si infra Octavam occurrat festum ritu duplici primae classis, de eo celebrabitur Officium cum commemoratione Octavae occurrentis. Si vero infra Octavam Corporis Christi occurrat festum secundae classis, nihil de eo fit, sed transferatur post Octavam Corporis Christi, pereunte Octava festi translata, si post octo dies a die ejusdem festi Octava celebratur, S. R. C. 21 Aprilis 1741, in *Vilnen*. Vide n. 1071.

1095. Officium a Bened. XIII concessum universo dominio regis Sardiniae de sancta Sindone habet locum in qualibet feria sexta a duplici, vel semiduplici non impedita, et specialiter in Quadragesima, non vero suffragatur indultum Adventus, Vigiliarum, et Quatuor Temporum, S. R. C. 8 Julii 1741, in *Fossanen*. Vigiliarum: cum jejunio, et sine jejunio. Adde quoque feriam secundam Rogationum, et illas, in quibus reponi debet Officium Dominicae. Vide n. 828.

1094. Responsorium ex testamento quotidie cantandum pro defunctis a Monialibus monasterii *das Chagas* potest cantari post Missam decantatam, exceptis diebus primae et secundae classis, Octavis eorumdem festorum privilegiatis, nec non tota hebdomada majori, in quibus diebus, ne pro

testatoris voluntas defraudetur, recitetur privatim in choro a Monialibus prædictis, absolutis Horis canonicis, S. R. C. 8 Julii 1741, in *Lamacen.*

1095. Quando festum Annuntiationis B. M. V. transfertur simul cum præcepto audiendi sacrum ad feriam secundam post Dominicam in Albis, præfertur cuicumque duplici etiam primæ classis eo die occurrenti. Si vero transferatur absque præcepto audiendi sacrum, præfertur quidem cuicumque festo translato, licet primæ classis, non autem festis eo die occurrentibus, sac. R. C. 2 Sept. 1741, in *Aquen.* Non autem festis eo die occurrentibus: si essent majoris ritus, et dignitatis. Vide num. 1234.

1096. Obligatio audiendi sacrum non reddit solemnitatem majorem, sed relinquit Officium in suo ritu. Quare reponendum prius erit Officium alioris ritus pro alio minoris, quamvis istud haberet annexum præceptum audiendi sacrum; cum sit peculiaris tantummodo prærogativa festi Annuntiationis B. M. V. et S. Joseph, ex decretis tum Alexandri VIII, tum Clementis XI, quod ista festa sic translata quibusque aliis festis tam translatis, quam occurrentibus præferantur, quando cum illorum officio transfertur simul obligatio audiendi sacrum, sac. R. C. 2 Sept. 1741, in *Aquen.* Vide n. 639, 1098 et 1101.

1097. Officia translata, quæ tantum sint ejusdem ritus et dignitatis, reponantur non die immediate sequenti libera, sed juxta ordinem Translationis, ut scilicet prius celebretur Officium ab antea translatum, deinde fiat de alio secundo loco translato, et sic successive. Ab hac tamen regula excipitur semiduplex occurrens in festo habente Octavam, vel in Dominica infra Octavam, vel in festo duplici infra Octavam: quod semiduplex in præfatis tribus casibus transfertur in diem immediate sequentem, in qua agendum esset de Octava, protrahendo ad aliam diem non impeditam aliud quodcumque duplex, etiam primæ classis, prius translatum. Et decretum quoad semiduplex occurrens in festo duplici infra Octavam non privilegiatam, datum die 30 Septembris 1679, declaratur verum, non apocryphum, sac. R. C. 2 Sept. 1741, in *Aquen.* Vide n. 508 seq., 1134 et 1180.

1098. Festa duplicia, quæ coluntur a populo de præcepto, retinent eundem ritum, quem alias haberent, seclusa hac qualitate præcepti, nec sunt duplicia majora, S. R. C. 2 Sept. 1741, in *Aquen.*; Retinent eundem ritum: quando vero possint habere integras Vesperas, vide n. seq.

1099. Duplicia majora habent lectiones primi nocturni vel proprias, vel de communi, non autem de Scriptura occurrente, sac. R. C. 2 Sept. 1741, in *Aquen.*

1100. Qualitas festivitatis non est ratio quod Vesperæ sint, et dicantur integræ de tali festo, nisi hoc festum fruatur simul qualitate vel majoris dignitatis, vel ritus, sac. R. C. 2 Sept. 1741, in *Aquen.* Majoris dignitatis, vel ritus: adde etiam si magna cum solemnitate celebraretur. Vide num. seq., 295, 1146 et 1186.

1101. Secundæ Vesperæ Annuntiationis, concurrentes cum primis diei festi S. Mariæ, recitantur integræ de Annuntiatione ob præstantiam dignitatis, non propter qualitatem præcepti. Idem necendum de festis Domini, sac. R. C. 2 Sept. 1741, in *Aquen.* Vide n. ant.

1102. Cum juxta rubricas Ritualis Romani absque Missa quantum fieri potest defunctorum corpora non sint sepelienda, poterit præsentem cadaverem unica Missa sollemnis pro defunctis celebrari feria secunda post Pascha, aut Pentecostes. Hac tamen Missa non decantabitur in duplici primæ classis aut festivo, si corpus præsens fuerit, aut pridie sepultum, sac. Rit. congreg. 2 Sept. 1741, in *Aquen.*

Aut pridie sepultum: etiam sine Missa et sine Officio, ut aliquando accidit ob rationabilem causam, videlicet ob temporis angustiam, etc., Rit. Rom. de *Exsequiis.* Vide n. 75.

1103. In Missis quotidianis, quæ pro defunctis celebrantur, possunt quidem plures dici orationes, quam tres, sed curandum ut sint numero impares, et aliquando pro illa *Deus, veniæ largitor* impune subrogabitur alia, verb. gr. pro patre, matre, etc., dummodo ultimo loco dicatur *Fidelium.* Insuper Anniversaria adimplenda non sunt infra Octavas privilegiatas, sac. Rit. congreg. 2 Sept. 1741, in *Aquen.* Curandum ut sint numero impares; an id faciendum in Missis vivorum. Vide num. 19 et 838.

1104. In Missis defunctorum, seu ut utar verbis decreti in paramentis nigris, non ministratur Eucharistia per modum sacramenti, scilicet cum particulis præconsecratis, extrahendo pyxidem a custodia: potest tamen ministrari per modum Sacrificii, prout est, quando fidelibus præbetur communicatio cum particulis infra eandem Missam consecratis, S. R. C. 2 Sept. 1741, in *Aquen.*

1105. Etsi decretum hujus sacra congregat. de anno 1707, præcipiat, quod in altari, ubi est publice expositum SS. Sacramentum, tempore sacrificii crux de more collocetur; non est tamen in viridi observantia, et patriarchales ecclesie Urbis oppositum servant. Supervacuum enim judicant imaginis exhibitionem, ubi prototypus adoratur. Et hæc de causa instructio pro oratione quadragesimæ Horarum Clem. XI, Benedicti XIII, et Clem. XII, Summ. Pontificum jussu edita sub silentio præterit, an locanda, removenda sit hujusmodi crux, inqueis quemlibet in sua praxi. S. R. C. 2 Septemb. 1741, in *Aquen.* Benedicto Papa XIV, 16 Julii 1746. Const. quæ incipit: *Accepimus*, corroborante. Vide n. 842 et 1064.

1106. Commemorationem de SS. Sacramento tempore sollemnis expositionis posse fieri in Missa de festo duplici, non primæ, vel secundæ classis, declaravit sac. Rit. congr. Insuper sanctorum reliquias non esse collocandas super altari, in quo reipsa SS. Sacramentum publice venerationi est expositum, sac. Rit. congreg. 2 Sept. 1741, in *Aquen.* et antea per constitutionem quadragesimæ Horarum Clementis XI, Benedicti XIII, et Clem. XII, quæ data fuit die 1 Sept. 1756 incip. italice: *Essendo state fatte* § v. In Missa: privata, intellige, etiamsi Sacramentum expositum sit in pyxide publica causa. Vide n. 1223.

1107. Possunt adimpleri qualibet fundationes, sive in honorem sanctorum, sive pro defunctorum liberatione, Missam de die celebrando, quando et Missæ sanctorum, et defunctorum prædictæ ab occurrente primæ vel secundæ classis solemnitate, aut festivo die quoad foram impediuntur, sac. R. C. 2 Sept. 1741, in *Aquen.* Qualibet fundationes: cave ne intelligas anniversaria defunctorum, quæ debent transferri, ut in num. 19 et 1281 seq.

1108. Tertia oratio in Missa dicenda ad libitum sacerdotis potest esse vel de Sancto, vel de SS. Sacramento, vel de Patrono, de Passione, de Cruce, etc., S. R. C. 2 Sept. 1741, in *Aquen.* Vide num. 869.

1109. Officia sanctorum ad libitum incidentia in die impedita in perpetuum non possunt ligi, seu locari perpetuo in alia die ab Ordinaris locorum designanda, sacra congr. inconsulta: nec circa hoc verificatur decretum de anno 1705, revocans in hoc aliud decretum generale de anno 1628, S. R. C. 2 Sept. 1741, in *Aquen.* sacra congregazione inconsulta: semel vero, et pro semper potest Ordinarius assignare, non immutata tamen lege sanctorum ad libitum. Vide num. 1215.

1110. Debet fieri in tota diocesi Officium cum octava Titularis ecclesie cathedralis, aut Patroni,

S. R. C. 2 Sept. 1741, in *Aquen.* In tota diocesi: a toto clero tam sæculari, quam regulari, sub ritu primæ classis, etiam a Monialibus; sed isti, et istæ non tenentur ad Octavam. Vide num. 540, 550, 1132 et 1181.

1111. Hymnus *Iste Confessor*, quando festum alicujus confessoris habens Octavam transfertur, sed non ultra octo dies, dicendus est cum versu,

... meruit beatas
Scandere sedes,

ab iis tantum, quibus a Breviarii rubrica injunctum est: nec prædicta mutatio fiet, quando Officium festum sancti habentis Octavam, non ultra Octavam transfertur, quia tota Octava nihil aliud est, quam extensio ipsius festi, et ideo versus idem per reliquos Octavæ dies, qui forte supererunt, retinebitur, S. R. C. 2 Sept. 1741, in *Aquen.* Vide num. 542 et 752.

1112. In festo translato Stigmatum S. Francisci nulla est facienda mutatio in hymno; quæ quidem mutatio servanda modo est in festo S. Joachim, Dominica infra Octavam Assumptionis celebrando, S. R. C. 2 Sept. 1741, in *Aquen.* Nulla est facienda mutatio: scilicet versus pro Stigmatibus ad Vesperas erit sequens:

Hac die lætus meruit beata
Vulnera Christi,

pro

... meruit supremos
Laudis honores,

vel

... meruit beatas
Scandere sedes.

Ad Laudes vero,

Christi recepit stigmata,

loco

Migravit inter sidera.

Rub. Brev. prop.

1113. Canonici extra chorum Officium persolventes non tenentur ad psalmos Graduales, Pœnitentiales, ad Officium defunctorum, B. M. V., etc. quæ quidem Officia sunt onera tantummodo ex præcepto implenda in choro, S. R. C. 2 Sept. 1741, in *Aquen.* Extra chorum: et in choro hodie non possunt cogi, neque per constitutiones synodales, neque per consuetudines. Vide num. 196, 1207 et 1310.

1114. Festa, quæ perpetuo in aliam diem translata sunt et remissa, pronuntiantur debent in Martyrologio eo ipso die, quo celebrantur, non eo quo notantur, S. R. C. 2 Sept. 1741, in *Aquen.* Eo ipso die, quo celebrantur: quid si talia officia transferantur pridie quam celebrentur? Vide num. 994.

1115. Organa non silent, quando Ministri altaris, diaconus scilicet et subdiaconus, utuntur in Missa dalmatica et tunicella, licet color sit violaceus, S. R. C. 2 Sept. 1741, in *Aquen.* In Missa: silent vero ad Vesperas Dominica in Adventu, quæ dicitur *Gaudere in Domino*, et iv Quadragesimæ, quæ dicitur *Lætare, Jerusalem. Carem. episc. lib. II, cap. 28, num. 2.*

1116. Ubi festum S. Petri ad Vincula, vel conversionis S. Pauli est Titulus ecclesie, semper per Octavam facienda est commemoratio distincta alterutrius, prout in die festo, non autem unica communis per antiphonam *Petrus apostolus*, etc., S. R. C. 2 Sept. 1741, in *Aquen.* Facienda est commemoratio: per antiphonam in die S. Petri ad Vincula pro S. Paulo, tam in Vesperis, quam in Laudibus, *Sancæ Paule apostole*, etc.; Vers. *Tu es vas*, etc.; Oratio, *Deus, qui multitudinem gentium.* In die vero Conversionis S. Pauli pro S. Petro in Laudibus, et Vesperis, *Tu es Pastor*, etc.; Resp. *Tu es Petrus*;

Oratio, *Deus, qui beato Petro*, etc. Rub. Brev. prop.

1117. Si episcopus non sit primum consecratus pro ecclesia cui præest, sed pro alia, a qua ad præsentem fuerit translatus, Missa, quæ habetur in Missali, celebranda est in ecclesia, cui fuit ultimo loco præpositus, recurrente die, quo Papa eum tali ecclesie præfecit. Exempla habentur in electione Summi Pontificis. Festumque hujusmodi erit annuntiandum cum termino translationis, S. R. C. 2 Sept. 1741, in *Aquen.*: Missa: ut in Missali Romano de Anniversario, etc., exceptis diebus solemnibus, ut in num. 818.

1118. In festo S. Theresiæ lectiones primi nocturni sunt de Scriptura, non de communi, S. R. C. 2 Sept. 1741, in *Aquen.*

1119. In die octava Dedicacionis ecclesie lectiones primi nocturni sunt de communi, et non Scriptura, S. R. C. 2 Sept. 1741, in *Aquen.* De communi: quæ lectæ fuerunt die festo. Vide num. 989.

1120. Petium fuit, an possint Regulares, cuicumque sint ordinis, intra limites parochiæ, et extra ambitum propriæ suæ ecclesie, absolutiones defuncti facere, eumque incenso adolere, etiamsi ad id faciendum rogati sint a parentibus defuncti, vel a magistratibus civitatis, quando agitur de funeribus unius e magistratibus; et si contra jus parochiale supradictas functiones palam et publice, deposito feretro in vico, facere præsumant, quam pœna plectendi sint? Et responsum fuit negative quoad primam partem: Parochi jurisdictione super defuncto durat quousque transeat in aliorum jurisdictionem: non transit autem in jurisdictionem Regularium, nisi quando pervenit ad fores eorum ecclesie, sacra cong. Concilii 28 Februarii 1708, in *Sutrina*, et 26 Martii 1711, in *Montispolitani.* Et sicut non licet parochi, deposito feretro ante limen ecclesie Regularium, consuetas recitare preces supra cadaver, S. R. C. in *Camerin.* 1 Septemb. 1708, ita non poterunt Regulares antequam vere et realiter sit cadaver intra limites propriæ jurisdictionis, super illud absolvere, deposito feretro in vico, qui actus ad summum unice spectaret ad Parochum. Ad secundam vero partem pœna consultius erit pecuniaria, quia agitur de re mere jurisdictionali, juxta alias in similibus statutas, prout ex decreto diei 21 Martii 1609, quod inflixit pœnam centum aureorum Regularibus pulsantibus campanas in Sabbato S. ante ecclesiam matricem, S. R. C. 2 Sept. 1741, in *Aquen.* Decretum S. R. C. prohibens prædictam campanarum pulsationem exstat sub num. 774, una cum constitutione Leonis Papæ X. Vide etiam num. 262.

1121. Consuetudo deferendi in processionibus reliquias SS. Crucis manibus operis cum velo a spatulis pendente potest retineri, S. R. C. 16 Sept. 1741, in *Barcaren.* Cum velo: sub baldachino, præcedentibus duobus thuriferariis; ut de sacris Spinis statuitur. Clerus ac populus incedere debet aperto capite. Episcopus vero cum mitra. Vide num. 235, 609 et 621.

1122. Regulares, etiamsi recitent Officium juxta ritum Kalendarii cleri sæcularis civitatis, non tenentur ad recitationem Officii de Octava Patroni loci, vel Titularis principalis, S. R. C. 16 Sept. 1741, in *Panorm.* in una ordinis Cler. Reg. *Theat.* Non tenentur ad Octavam: an teneantur ad Officium, et quomodo? Vide num. 540.

1123. Festa sanctorum, quibus concessa est Octava perpetuo translata, et ab assignato cuilibet illorum die perpetuo amota, celebranda sunt sine Octava, si de ea nihil remaneat, vel cum residuo illius, si de ipsa aliqui tantummodo dies supererunt, S. R. C. 16 Sept. 1741, in *Panorm.* in una ordinis Minor. de Obs. Res. S. Francisci. Vide num. 1071.

1124. An festis, quibus concessa est indulgentia, attentata eorum perpetua translatione, transferri